



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-11-3-1541-13/24

Datum: 21.06.2024.godine

Na osnovu člana 70. stav 1. i stav 6. a u vezi sa članom 69. stav 2. tačka d) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22), Općinski načelnik, donosi:

ODLUKU

poništenju postupka javne nabavke

I

Poništava se postupak javne nabavke radova, „Gradnja sportske dvorane u Jelahu, završna faza“ za lot-1 Gradnja sportske dvorane u Jelahu završna faza, koji je objavljen na Portalu javnih nabavki dana 10.05.2024.godine pod brojem: 375-1-3-52-3-61/24, obavještenje o nabavci objavljeno u sl.glasniku BiH broj:34/24 od 17.05.2024.godine, procijenjena vrijednost javne nabavke za lot-1 je 460.000,00KM.

II

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

III

Ova Odluka stupa na snagu danom donošenja.

O b r a z l o ž e n j e

Postupak javne nabavke radova, „Gradnja sportske dvorane u Jelahu, završna faza“ pokrenut je Odlukom o pokretanju postupka broj:02-11-3-1541-2724 od 29.04.2024.godine. Odabran je otvoreni postupak sa podjelom na lotove (dva lota), koji je objavljen na Portalu javnih nabavki dana 10.05.2024.godine pod brojem: 375-1-3-52-3-61/24, obavještenje o nabavci objavljeno u sl.glasniku BiH broj:34/24 od 17.05.2024.godine, ukupna procijenjena vrijednost javne nabavke bez PDV-a je 512.282,25KM, procijenjena vrijednost lota-1 je 460.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristigla je jedna ponuda i za lot-1 i za lot-2 i to ponuda ponuđača INTER doo Tešanj.

Komisija za javne nabavke imenovana rješenjem Općinskog Načelnika broj: broj: 02-11-3-1541-6/24 od 30.05.2024. godine izvršila je dana 11.06.2024.godina javno otvaranje ponuda o čemu je sačinila Zapisnik sa otvaranja ponuda te uz Zapisnik o zaprimanju ponuda isti prosljedila ponuđaču.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su pristigle ponude za lot-1 i lot-2 formalno ispravne, a da ponuda za lot-2 ima računsku grešku, te je ugovorni organ aktom od 14.06.2024.godine u skladu sa članom 17. stav 5. Uputstva za pripremu tenderske dokumentacije i ponuda (Sl.Glasnik BiH broj:90/14 i 20/15) dostavio ponuđaču INTER doo Tešanj akt o ispravci računске greške, za lot-1 Gradnja sportske dvorane u Jelahu završna faza po ponudi broj:575/24 od 11.06.2024.godine.

Ponuđač je aktom broj:583/24 od 19.06.2024.godine (protokol općine broj:08-11-3-1541-11/24 od 19.06.2024.godine), obrazložio kako je do računске greške došlo, naime u predmetnom aktu ponuđača stoji „da je prilikom izrade ponude broj:575/24 od 11.06.2024.godine za lot-1, a uklapajući istu u procijenjenu vrijednost javne nabavke stavka X OSTALI RADOVI pogrešno prepisana iz radne

verzije obrasca za cijenu ponude u iznosu od 1.500,00KM, umjesto 0. Navode da su računali izvedbu tih radova (stavka X OSTALI RADOVI) bez naknade i dobili vrijednost ponude za lot-1 504.394,00KM te na osnovu toga odredili popust od 9% i zaračunali PDV. Takođe ističu da se prilikom prepisivanja podataka iz radne verzije ponude u zvaničnu ponudu potkrala greška na stavci X OSTALI RADOVI, a što je za posljedicu imalo povećanje ponude za tih 1.500,00KM. Navode da se radi o klasičnoj grešci kod prepisivanja, te ističu da su računski ponudu koncipirali unutar procijenjene vrijednosti na iznos od 504.394,00KM i ponuđeni popust od 9%, odnosno na iznos od 458.998,54KM bez PDV-a, te moli ugovorni organ da obrazloženje prihvati, kako bi se stvorili uslovi za realizaciju radova iz ovog projekta javne nabavke“.

Ovakvo obrazloženje Komisija nije prihvatila jer se radi o ispravci „jedinične cijene“, naime u ponudi broj:575/24 od 11.06.2024.godine za lot-1 Gradnja sportske dvorane u Jelahu završna faza, u Obrascu za cijenu ponude kod stavke X OSTALI RADOVI (1. Kompletno čišćenje objekta, vanjskih i unutašnjih prozora nakon završenih radova) stoji jedinična mjera „paušal“, količina „1“, jedinična cijena u KM bez PDV-a „1.500,00“, a ponuđač u svom aktu pokušava da obrazloži svoju grešku na način što mjenja jediničnu cijenu sa 1.500,00KM na 0,00KM (tretirajući to tehničkom greškom) što je u suprotnosti sa članom 17. stav 5. Uputstva za pripremu modela tenderske dokumentacije i ponuda (sl.glasnik BiH broj:90/14 i 20/15). Naime gore pomenutim članom je propisano da se „jedinična cijena stavke ne smatra računskom greškom, odnosno ista se ne može ispravljati“, te iz tog razloga Komisija nije prihvatila dostavljeno obrazloženje, te je ponuda za lot-1 Gradnja sportske dvorane u Jelahu završna faza „neprihvatljiva“ jer prelazi procijenjenu vrijednost javne nabavke za predmetni lot. Naime procijenjena vrijednost za predmetni lot je 460.000,00KM a ponuđena cijena predmetne javne nabavke, po izvršenoj računskoj kontroli 460.363,54KM.

Zapisnikom o pregledu i ocjeni ponuda broj:02-11-3-1541-12/24 od 20.06.2024.godine Komisija je u skladu sa članom 69. stav 2. tačka d) Zakona o javnim nabavkama (Službeni glasnik BiH broj 39/14 i 59/22) preporučila ugovornom organu donošenje Odluke o poništenju postupka, iz razloga jer je ponuda za lot-1 Gradnja sportske dvorane u Jelahu završna faza viša od procijenjene vrijednosti predmetnog lota jer je u skladu sa članom 2. tačka L pod 2. ista „neprihvatljiva“. Imajući u vidu gore navedeno odlučeno je kao u tački I dispozitiva ove odluke.

Pouka o pravnom lijeku: Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđač,
2. Služba za društvene djelatnosti i investicije,
3. Služba za finansije, privredu, komunalne i inspeksijske poslove-računovodstvo,
4. Web stranica Općine Tešanj, elektronski
5. Predmet.

Služba za finansije

OPĆINSKI NAČELNIK

mr.sci. Suad Huskić
